



白洲集信

古言律詩
古言排律
古言排律
古言古詩

六

16
2388
4



和
2388
8-4

白洲集卷之九

七言律

病中次谿谷已未聞余病苦寄來詩韻

已卯七月二十一日在中書直所得病幾絕
至於上聞扶曳還家到今幾一月尚在入
鬼關頭再昨兒輩閱家中故篋余偶拈一紙
乃新豐張相公於萬曆己未中秋節在安山
聞余病苦寄來詩也悲夫自己未至己卯為
二十一年其間經歷幾番兵火家傳書籍十
無一存此一紙能得保存於亂離播遷之餘



7-1

固奇矣已未聞病之作復出於卅年後垂絕之際而今年又是已年其憂愍慰勉之意倦倦於一篇之中不啻面對而口語真若為今日道者豈非尤可奇也且其枉詩之日與再昨同為八月望日此亦可謂奇矣豈冥漠之中有所相感而然耶悲夫不佞尪羸虛弱兼又不能將息常為公所憂而當死不死以至今日公雖清瘦善病能擺脫煩惱專心攝養期以白首同歸豈料一朝公先千古也把紙嗚咽一字一淚字有盡而淚不盡淚有盡而

情不盡遂於病中索筆扶首而書之書罷亦無平生故人可相示者獨光山鄭侍郎子容氏知此心耳適逢新按使元子建令公之行並其原稿與吾所和者寄焉冀早晚因驛使和教耳

已年嬰疾後猶前綫命何期再獲綿半世親知誰在者當時筆札幸存焉詩名天地長留卷文義泉臺更結緣想得昭州同送淚白頭思舊愴心偏

附原韻

消瘦驚心把臂前別來聞說尚沉綿精神挺動何

白州集卷之九
二
憂爾玄理扶持定有焉知是苦吟能作崇但將清
靜省諸緣張生亦自無佳况鍼灸經旬魄奪偏

谿谷

次觀海謫中寄示韻

思量往事只驚呼人世仍教我輩俱千載同鳴何日
再三年遠別各天孤書傳一紙啼成血詩到連篇語
是珠奮翼搏風猶不晚願言加飭勗前途

別羅州金使君

尚安

地拆天分萬死餘錦官城外半年居人情慣見殊湖
嶺國手應知有卷舒亂後行藏難任性病中離合易

沾裾搏沙眷屬元無幾欲向茅山寄一書

訪延川君李子陵斜川庄醉後口號

出按東伯詩

每讀斜川卷裏詩羨君衡泌得棲遲餘生共抱終天
痛未死翻成此地期嶽色當蒼烟似雨溪聲繞舍樹
為籬明年納節西歸日盆上黃花更幾枝

春州客館次鶴谷洪相韻

春讌江樓雨滿觴繡衣當日我為郎仙區一去烟霞
隔使節重來歲月長嶽寺可忘津北路官梅初動臘
前香籠紗映壁無人和為有新詩逼盛唐

洪川道中

白洲集卷之九
三
峽水沉沉響石橋二更風雪灑征輶烟中鬢髯劉安
天嶺上依倚子晉簫茅舍點燈明復暗松牌記路近
還遙驅馳政坐多生債塵露無因報 聖朝

和湖南方伯元子建寄示韻

湖南山水亦稱奇到處佳人俛仰詞玉節重臨州五
十蒼生可察事毫釐樽前病起年將換峽裡書回月
幾虧惆悵芳塵攀不得夢中猶許竹筒隨

夜坐有感示鄭德基姜叔久諸人

是日
頌曆

公館沉沉暮角殘客衾如水一燈寒畫輪行樂供年
少獨伴牢愁坐夜闌滄海泛舟非舊後青臺頌曆異

前看孤臣抱病仍成老千里神京夢到難

平原客館次道章在晉陽寄示韻

半年相別十年如消息惟憑驛使書客裡茱萸摩詰
詠夢中花竹杜陵居涓埃未効艱虞際筋力寧論疾
病餘報政他時看魯衛勗君名下士無虛

附原韻

長公消息近何如霜鴈南時未見書池草砌荆勞
夢想嶺雲關樹怨離居羈愁叵耐孤眠處官食應
妨久病餘却悔當年俱許國向來心計捻成虛

道章

示叔父

簪盍他鄉畫勝流逢場一笑擺千愁不辭京尹成輕
薄自是山公喜出遊沙步對樽官市散夜燈爭博嶽
僧留佳人莫奏關東曲去國孤臣又白頭

除夕

兀坐非關惜歲移老來無睡卧常遲身閑未免親盃
勺眼暗猶堪看奕棋幕府清談從豐豐兒曹戲舞亦
傲傲村鷄乍喚街鍾動却憶金門聽漏時

蟾江逢道章

行止由吾敢自期此生虛擬鎮相隨誰教一夕分飛

遠政屬三秋病起遲山以鵠名來豈偶江同蟾字會

尤奇孤村秉燭真如夢鴈斷春風草綠時晉陽原州皆有蟾江

而原則又有鵠原
二故篇中及之

江村暝色欲迷鴉正片行人感歲華君到洛中還是
客我來關外本無家宸居北望孤雲隔驛路東臨
大海賒行過越松猶極目春光虛對滿汀花

太和窟

急吹先驅鬼物愁火城當晝破陰幽人間喚作丹砂
窟地下看為白玉樓賢劫以前何世界化公於此極
雕鏤從知佛力深無量現相觀音在上頭

月精寺

于筒水自上元遙一滴曹溪香滿瓢山靜惟聞恠鳥
喚雪深不見靈芝苗空懷漢史閱金橫謾比天台尋
石橋斜陽出洞更回首清磬數聲生碧霄

庚辰閏春巡到平海郡與寧海壘客羅夢賚會

于禪庵庵在兩境間故也雪汀夏寧君曹子

實適寧海方寓郡北巖亞使鼎者亦以觀親

至郡與盈德趙使君珩峴山南都事鑑皆至

主倅嚴令公愧設小酌於寺樓時當望夜月

色如晝鐵邃寥亮使心骨皆清實海上奇

會也醉後各有所賦一相星斗輩皆從而和

之平陵李督郵時炎既能賦且能書亦可謂

張吾軍者也

枯槁驚心楚地顏相逢無語只相看人生未死前期

在世事多端此別難借酒孤懽還錯莫應猿清淚自

沈瀾情根宿業誰禁得且就禪燈問懶殘

右贈羅夢賚萬甲

金丹無賴駐衰顏且向仙山恣意看芳草佳期尋更

遠白雲高唱和皆難杯傾玉斗吹瓊液筆捲滄溟倒

紫瀾一榻禪燈清不寐老僧蓮漏報更殘

右贈曹子實文秀

寺門晴雪照孱顏五馬春遊意氣看平世功名從偃蹇
蹇暮途人事轉艱難神君化洽車隨雨良史才高筆湧瀾
最是渭南長笛詠海天寥廓數星殘

右贈趙君獻珩

夢裏分明拜 聖顏覺來西北五雲看孤誠耿耿憂
時切別恨悒悒制淚難身逐飛蓬常在路心如古井
不生瀾當筵莫唱陽關曲去國離家鬢易殘

右贈嚴重叔昂考

越松亭次嚴重叔韻

橫吹鐵笛俯滄溟人倚高樓月在瓶劉阮何年來避
世喬松此地住延齡梅村亂築初疑雪漁戶寒燈遠
見星西去東留俱是客暮途行役愧勞形

竹西樓敬次 先祖樛軒文康公韻

人間不廢大江流天上真遊白玉樓召樹春陰寒未
落巴陵物色久仍留殘粧寶瑟圍紅燭別浦輕榔起
暗鷗前度繡衣今按節壁間攀詠又溟州

三榜名高五鳳樓碧雲佳句映千秋汀花近淚春多
感峽水無情夜亦流滄海未窮仙路迥長安不見客
心愁竒遊轉眄皆陳迹看取沙頭點點鷗

先祖以一年三壯元

受莊憲不世之遇晚節以八道都體察使江陵與
此府皆有題板不肖於天啓癸亥春以御史承命
到此仰瞻遺墨不勝羨牆之慕作數語曾付滇州壁上故篇中并及之

春日偶占示原牧鄭德基維城姜亞使栢年

村村種麥曉驅牛
峽雨前宵不滿疇
春菜已咬青首
蒼冬衣纔脫
白羊裘雲開嶽色當
深院風送灘聲上
小樓抱病年來消瘦盡
等閑光景亦生愁
二月山村已放牛
今年寒食綠盈疇
花開古縣須尋
寺酒熟誰家可典裘
泉脉細分池畔路
柳絲新颺驛
邊樓何人解道閑情賦
情欲閑時別有愁

桐華寺別完尹韓振甫興一

六門流水細彎回
二月黃梅欲半開
風雨一番寒食
過江山千里故人來
孤吟未就春宵短
老興無多別
恨催南客見君應
問我為言羸病不勝杯

平原客館別申丈敏一南歸

五載重逢萬死餘
中間消息再看書
韶華已謝風流
在飲咏雖艱志氣舒
止去定隨王令
烏南歸非為武
昌魚樽前一笑還
怙悵嶺樹參天夢亦疎

抗李直夫大夫

每羨尚書乞養歸
得歸猶得慰慈闈
哀哀我豈生人
數泯泯天胡孝子違
兩世交情真莫逆
百年孤影只

相依臨江執紼如泉淚白舫青簾舊見非

宿金城客館

青春衣繡此淹留按節重來已白頭山近金剛多秀
色江從鐵峽少安流寬禽竟夜催鄉淚芳草連天喚
客愁極目丘墟經戰地李華詞賦絕難酬

四月十五日正陽東樓夜飲示春川淮陽襄陽

三使君暨南都事諸人

桂樹清風萬壑涼洞天明月夜蒼蒼將軍新望兼遺
愛按使重臨只舊狂何幸峴山逢叔子還憐汲直卧
淮陽酣來各有凌雲氣轟飲誰人是葛疆

次湖南伯元子建韻

千里音書驛使回故人佳句竹筒開雄風大陸層雲
起爽氣前山霽色來三鎮劔門身亦倦再經蓬海鬢
先催南樓此夜胡床月幕府清歡想舉杯

挽吳汝擴端

不因同病解深憐潤武須伸且壯年乍別誰知先奄
忽此生無復更周旋靈車欲發應相待古劔猶存愧
未懸想見新阡當落月露歌淒咽白門前

是年秋巡嶺東歷襄陽之雪岳天吼高城之新

溪鉢淵從榆岵復入山中遂窮毗盧峯白雲

臺堯率圓通安養雲壻青蓮神琳之勝皆前
 所未曾見者噫再見多於初見三見又加於
 再見可見人見有限而山之可見者無限也
 山以楓名而今行政當八月之望始信前二
 遊之不為遊而遊始於今也趙使君以地主
 又至而同遊者江陵金使君素通川李太守
 大純平陵李督郵時炎申正言恂許上舍昂
 尹秀才遇甲諸君而兒子端相亦復隨焉
 天恩偏許外臣私三到蓬山似赴期落鴈峯高通帝
 座褰鵬水濶俯咸池人間對月復今夜秋後看楓只

此時不必丹書留姓字千年薊子自心知
 天為名山別有私楓酣不待九秋期丹霞點點生衣
 袖滄海洋洋入硯池遊賞幾人曾此會風流我輩幸
 同時神慳鬼護深深洞白首居僧亦未知
 酒泉清虛樓贈鄭德基使君
 東行千里飽山川歸卧清虛却爽然時候政當風落
 帽縣名因是酒為泉浮雲流水客將去錦石寒花秋
 可憐此別詎無三宿戀與君關外已經年
 宿東淮江閣醉後書贈適還東
 伯時
 答恩無路効初心經歲還家病獨深已分此生常寂

白洲集卷之九
十一
寞更從何處有追尋
憂來雨雪同歸咏
醉後陽春寡和音
今日盡情啼
又笑滿江星
月夜沉沉

挽仙源金相國尚容夫人遷葬

江都大節日星懸
正氣千秋共際天
獨有遺衣仍故兆
可無神劍復前緣
家疑返鶴春俱至
鏡待回鸞月並圓
感舊傷今雙迸淚
輓歌嗚咽不成篇

挽李子方景義

蓬山恩暇早追歡
莫送交期保歲寒
高義敢忘郊外送
遠書長記篋中看
君驚我瘁憂常切
死別生離淚未乾
不復銀臺聞奏事
可堪時勢日艱難

挽尹含章元之

陌上相逢握手回
憐君未老髯先催
仍聞栢樹攀號去
不見芭蕉啓事來
迹與孤雲接遠峽
魂依西日返南咳
傷心昨過平生宅
一朶荆花向客開

次題具生詩帖

玉灘東望境偏幽
喬木依稀某水丘
久識漢阡仍杜曲
今聞謝墅又菟裘
君當盛歲須勤業
我有隣庄可請休
會趁春花携手去
獵村漁社共沉浮

挽李弼善元鎮大夫人

尚書文采動詞垣
冠冕榮華祖子孫
餘慶不隨人事

變晚年仍享母儀尊春暉欲報誰無憾天理難謀或
抱冤最是黃岡來去路至今嗚咽別時言

敬次分沙李相庇兩堂韻

相門清節世同科不起其如士望何進退完名前輩
少安危憂國老臣多生涯冷淡三椽屋詩法崢嶸七
字哦自幸通家偏契好醉歸頻怕夜巡訶

次東村金祭酒著國燈夕韻

翩翩遊騎集名園向夕傳呼谷口喧竹影含風搖翠
幙燈光和月照清樽臨池石角排成嶽近戶松根老
拆坤自有佳篇誇盛事病夫才退合無言

贈韓山李使君時榘還任

東門咫尺阻離筵向老孤懷只黯然尚喜卯君淹玉
鳥還憐學士遠花磚江泥浥雨官梅熟峽樹叅雲石
棧懸鴻燕莫愁湖嶺隔夢魂應與竹筒傳時李公之
伯氏宰襄
陽故茅
六及之

別端川宋使君國準

驪歌一闋動離愁官路泥乾積雨收北去城池多近
海南來書信每憑秋氣能夜識山呈秘政若川流案
絕留頭白羅姬今在否落梅高唱夢悠悠

別醴泉俞使君撤

紫殿晨殿九輪開使君雙鳥赴班催風傳玉署曾聞
漏露憶金莖舊賜杯池草遠連趨幕路嶺雲低近望
鄉臺音書莫說賓鴻少劈峽秋濤泝漢來

次朴尚之韻別趙司書全素還瀋

峽村辛苦度千岑捻為冰壺一片心洛下又成青眼
會樽前還愧白頭吟銅龍報命驚秋晚金馬懷才數
陸沉垂老傷離無遠近不妨閑日鎮開襟

夜坐示趙叔溫

塵暑新颺勢不孤夜深濃露灑平蕪清光政滿月中
桂涼韻初生井上梧自是年華催晷晚可堪人事少

歡娛明朝又別銅龍使鴻鴈南時向北徂

透壁寒風暈作霜却憐殘月曉窓當矜豪幾處銷金
暖進諫何人剪帖忙報主消埃寧有路返身江海不
無鄉知君更起題詩興細菜登盤酒壓床

次惠禪軸上韻

雪窓朝日映書巢一榻跏趺坐獨牢忽見高僧來遠
寺恍聞清磬出層磬行經庾嶺雲隨錫興在曹溪水
滴槽孤露世間頭已白欲從方外托真交

和朴尚之次杜詩臘日韻

南隣北陌路非遙醉踏前街雪未消漫興吟來詩幾

首深更度盡燭三條年衰我已懷長暇身健君胡厭
早朝聞說廟堂新薦鷄行看風翾上雲霄

別安東林使君

潭

暮途行止欲相隨無奈閑忙造物私揚鶴敢望飛
鷁穩沃山曾恨卜隣逢官樓映水偏添爽嶺雪逢春
半作漸莫道南昌勞判牘較如鍾漏趁台司

日本國日光山詩

承命首
製以進

外院誰傳闕太空道場新報關琳宮孝光幽顯鴻休
集技極般倭象設雄賜谷日先天下白蓬山雲見海
東紅神橋異績歸宸翰寶氣慈籠萬里通

挽睦叅判長欽

每憶西曹寓直年對床文酒樂周旋
痛蘭玉曾叨接席緣疏節縱慙頻問訊寸情常繫久
沉綿南郊一哭成千古極目春江上瀨船

李東野 郊庄醉題一律示畿伯李汝思景憲

宗伯李汝省景曾仍別海伯任子澣統

十數年前此會頻君顏未老我青春乾坤莽蕩身猶
在人代蕭條迹已陳花塢晚風低燕翅石灘微雨憂
魚唇餘生到底無歡緒小酌初開別恨新

揚浦晚泛口號示汾西永安諸人

江路晴泥點客衣
兩三遊騎趁斜暉
黃鸝喚友穿林語
烏鬼含魚貼水飛
天地豈知人代閱
山川不待劫灰非
相看莫灑新亭淚
且向沙頭盡醉歸

次汾西韻

王爪未熟麥先秋
野興同懷出郭幽
人事本來多戲劇
天公何意妬風流
床聞戰蟻新添病
樹送鳴鳩只喚愁
想得閉門棋酒會
却勝簑笠走街頭
雙鬢蕭疎早覺秋
舊遊長記野亭幽
親朋有幾君差健
畏日無多火欲流
病裏詩書皆長物
夢中花竹亦閑愁
明朝並馬西郊路
不復殘紅見樹頭

別鄭德基之東萊

東南海舶簇萊山
一面城池控百蠻
執憲名高須得重
荅恩心切敢求閑
蕭條國計兵荒後
雜沓賓筵簿領間
關外舊遊能記否
老懷臨別不禁潛

題東淮白雲樓

光陵秋夕進香回
轉向清平水路開
君與白雲留別墅
我携明月上層臺
百年勝會仍佳節
四海何人又此杯
灘急夜深寧變色
滿江風浪放船來

附次韻

山樓半夜送君回
樓外踈簾手自開
遙望仙舟下

急瀨空教明月滿高臺詩情錯莫難成調離緒續
紛獨舉杯徒倚危欄清不寐龍門爽氣渡江來

別後欲成一語不得五句及之實際耳台作
末句極壯王可喜

東淮

東淮水落鴈初回十里烟波霽色開天下豈無閑世
界山中還有此樓臺相逢菟爾只孤笑臨別依然更
一杯我老尚堪舟上卧明年寒食可重來

附次韻

到箭串橋上遲諸益徘徊間報冢宰坐政諸
公亦皆不來云遂向舟次馬上用前韻口占

一律

立馬郊原首幾回江門秋霽片帆開亞橋影落溶
溶水遙渚沙分曲曲臺自笑殘生同泛梗每將行
色寄浮杯芭蕉啓事應無暇不是故人期不來

東淮

別關東伯李師魯德泚

我回東節亦秋殘霜霰霑衣早覺寒窮峽豈曾逢歲
熟餘氓今幸望時安江流送鷁平如拭嶽色當軒秀
可餐萍閣數椽仍在否媿無人作召棠看

挽柳統制內

每憶將軍醉後辭暮年唯願樂妻兒誰言白首還家
日邊是青山葬玉時笳鼓競來偏有感簾床空處倍
含悲齋居未展單杯哭兀葛深情但自知

贈孟畫師

榮光○孟是中朝人余以五臣留
潘時詩以請畫萍齋其號

算來身計百無諧中夜悲吟涕滿懷一木敢期支大
厦千金還愧買殘骸閑花細草春郊外白石晴沙野
水涯顏得行裝須好手試將縑素屬萍齋

龍泉館示直夫

山館停車日欲低晚涼孤坐意悽悽魂驚虎穴身餘
幾跡似鴻泥夢亦迷自是清時難永訣豈無殘景可

安棲仍思小築西湖上花映前溪柳映堤

平楚微茫燕翅低客中光景易含悽山因近海雲常
合路為還鄉夜不迷桑下尚留三宿戀林間長憶一
枝棲吾居亦有汧江柳豈減蘇公舊築堤

平山途中示直夫

中宵默筭往來程經歲奔忙笑此生雕鼻卷髯何忍
對虐風鬢雪若為更極知霜鬢緣行役豈有秋毫補
聖明最是承華長在眼白頭西望淚縱橫

清平江上擬贈東淮士謙

積雨初收霽景新嘉陵一棹又龍津才傳鄭谷吟仙

白雲集卷之九
珮詩記瀟湘見故人芳草不迷江岸路殘花猶想洞
房春如何白首相逢處半是曾經萬死身

題白雲樓兼示士謙諸人

看盡嘉陵萬疊山小舟容與夕陽還身行道子丹青
裏興入秦樓縹緲間往事莫論千里役此生能得百
年閑蓬窓細酌仍成趣醉後停橈倚綠灣

白雲樓對白雲山雲與山人共往還滕閣風光晚晴
後瀟湘水色虛無間擁書千卷亦云富把酒一杯方
是閑曉酌魯騰篷底睡月痕移在碧藍灣

晚泛揚湖洛中諸學士聯翩來會酒半口號

積霖敵暑兩難支炊甑深居病獨知出郭偶當初伏
日泛江何幸始晴時層林隱約遙村見平楚微茫落
照宜浮世百年無此會滿船佳客滿船詩

楊浦江樓別江都留守元子建

白舫青簾海上開瑤軒繡節日邊來宸心政軫分
司寄廷論應推濟世才牘判秋曹新藉藉刃遊湖臬
久恢恢清漳一帶門前水書信潮頭待幾回

挽金判書時讓

江湖歲暮隔風期萬死歸來幾夢思病已十年猶望
起官曾八座却憐遲清名終始心如水佳政西南口

是碑為有平生知己感輓歌悽咽不成詞

挽姜相碩期

仁憲勲名震海東降精奎璧又明公松筠獨保凌霜
操岳瀆潛收潤物功語到時艱惟有淚望頌朝著若
無躬百年寧順知何憾殄悴興悲走卒同

挽金晦卿光懾

一生清瘦略相如却羨君剛勝我虛蘆嶺別來添幾
病介陵休後向何居空聞清漏傳晨院不見仙鳧返
玉除湖路極天迷處所望中誰是范卿車

病中次東淮韻寄示畸翁

小窓微雪一燈紅牢落殘年萬計空誰遣子真還谷
口又聞蕭史出淮中陳篇乍閱仍添暈甲帳重垂亦
畏風面壁三旬長閉眼惺惺惟對主人翁
伏熱如潮上面紅玄花着眼忽迷空殘生已分呻吟
裡萬計終輸寂寞中秉燭每懷前夜譔傳筒還媿古
人風秦樓小雪成高會倘憶東村半死翁

別湖西伯金友古尚

騎省中書歎積薪漏廳殘燭教場鹿暮年原隰非閑
事暇日湖山是勝因擁傳何如乘內駟登樓還似侍
重宸營門藥物多新採倘把刀圭及病身營有拱北樓

挽趙生顯陽

壯元才調固無倫，我提衡喜得人。鳳穴苞開皆異彩，龍門躍出豈凡鱗。年同列宿生何促，地有修文死亦伸。最是西河臨老痛，等閑行路盡沾巾。

挽豐寧君洪汝時賈

儉節平居混布韋，崇勲一蹴壓金緋。榜連學舍隨肩忝，會憶黃壚撫跡非。臨老每憐嬰病久，契心何恨問書稀。到門號擗先聞外，未近靈筵涕已揮。

銅雀江頭別鄭子容咸陽之行

星回一甲又南麾，不是行裝誤。聖時傲骨本無供

世興閑情長有故，山期沙明遠渚初。疑雪日射層冰半作澌，十里江郊非近路。我來何事却忘疲。

觀獵書贈洪灣尹璟

平明吹角出東門，獵騎如雲處處屯。絕塞山川夷夏界，夾江壑落古今村。雕蟲敢擬誇身健，鞍馬無日報主恩。賴有使君文武憲，聖朝行見壯西藩。

車輦館次李校檢進韻

延州詞賦擅才華，白首胡為失路嗟。自笑暮年頻虎穴，向來陳跡似鴻沙。書傳灣館初逢雨，詩到宣城已落花。最是銅龍消息斷，塞天笳鼓夢魂賒。

挽分沙李相 聖求

潭潭相府儼風猷志業居然第一流自是肯中如水
鏡豈曾皮裡有陽秋生涯蓬篚三椽屋豪氣江湖百
尺樓回首去年携酒地祗今沙岸繫孤舟
圖書零落酒壚虛忍過青門故相居孺子百年休下
榻巨卿千里始回車風期晚代誰知己冥冥重泉尚
起予言行他時應有錄江河文字定何如

挽尹叅判 堦

花磚高步五雲邊三十金緋玉署仙訓襲岩廊期遠
到習滄紈綺愛孤寒共驚羸削年來甚誰遣賢勞病

後偏最是西河臨老戚路人猶自涕潸然

挽鄭叅判 廣敬

蓬山仙籍相門高瑞彩爭看鳳穴毛望屬公孤華譽
早身經夷險素心勞羔絲異日傳歌詠蘭玉同時遍
省曹為是交親非一世白頭臨挽歎滔滔

蘓坡江上奉別沔川倅朴兄大華次道章韻 時

章方謫居東湖約與來會

無限溪山載酒行對歡誰不似公榮磬聞蕭寺心先
爽舟自湘潭眼忽明少日只知同處樂暮年何耐此
離情江村暝色歸帆盡獨倚蓬窓雨滿纓

白洲集卷之六
二十一
令弟無端受玦行老兄何幸佩符榮孤懷耿耿秋多
感雙鬢蕭蕭雪半明江外又成今夜會尊前不減少
時情酣來欲作顛狂語一任傍人笑絕纓

次清隱在瀋館寄示韻

公子風流已冥漠清詩看罷寄誰家晨星落落牙絃
斷秋日蕭蕭潘鬢華咏為停雲兼逝水淚因鄰笛想
邊笳歸途莫近遼河店故榻經時愴倍加時東陽
纒逝

附原韻

秋懷一律奉寄 白洲兼呈東淮

繡戶笙歌公子宅朱門車馬上卿家秋來正覺添

愁思露下應驚換歲華况復此時持漢節那堪異
域聽胡笳交情却向窮途見白髮須憐鏡裡加

清隱

贈道章

甲申秋與道章及兒輩同宿沈槐山草
堂仍過德原公子山亭劇飲而散洪兄
澤芳氏父子亦來會

逐客雖嫌近郭行散臣猶可出郊迎山留萬壑經霜
染天放孤村盡日晴青草咏回池上夢紫荊班去路
傍情遙憐獨馬來歸處夜過王灘候火明

附次韻

騎驢如入畫圖行况有山翁一笑迎父子弟兄兼

白洲集卷之六
三十一
叔姪郊原風日半陰晴
朋簪暫盍班荆地小酒差
寬夢草情歧路東西分散
恨可堪回首憶春明

道章

挽李生

朴思菴
外孫

思相真游六十年
易名新渥始開筵
早知素尹清風在
却喜陽元素業傳
夜靜歸街鍾欲動
雪深窮巷榻猶懸
雲山一隅仍千古
泣把床頭擬和篇

次金溝客館澤堂韻寄奉李使君

榕

高才自合鳳樓修
散跡唯甘酒市遊
仙邑任君為隱吏
醉鄉呼我作閑侯
尋真每憶金山路
奉使曾經水

竹秋千里傳筒當歲暮
白頭歸思轉悠悠

乙酉正月晦出宿舍弟玄洲寓所將還書示一

律

忽忽回騎趁斜陽
每到分歧各斷腸
等是無家君又客
為因何事我還忙
山寒逼水添孤迥
野色漫空接混茫
報道春宮春共返
坐看雷雨遍江湘

附次韻

人非潮水限潯陽
山是尖鏗割別腸
青草詠時纔會合
紫荆班處便閑忙
心隨西去窮湛樂
路筭南征覺杳茫
且趁阿咸留洛日
一帆春漲泝瀟湘

別完尹蔡伯昌裕後

玄洲

豐沛山河地力饒名臣出宰自
先朝丹青原廟瞻
依近碧落仙曹步武遙驛使梅花春滿路官橋燈燭
夜聞簫殘年作別偏懷惡三疊詩成兩鬢凋

次題鶴谷洪相國家箴簡易及東槎諸公詩帖
從他世界落空亡萬古斯文一脉長星斗于天地岳
瀆麒麟於獸鳥鸞鳳神慳晉帖初傳本淚濕周詩舊
廢章獨有靈光尊配極方流元氣滿朝堂

別嶺伯俞方叔撤

龍喉高選壓籌司 聖眄頻回奏對時妙歲聲華雙
璧盛新春雨露一方私行經粉社身仍錦巡到桐鄉
口是碑媿殺琬牋虛在案白頭才盡久無詩

乙酉三月十七日麟坪大君以謝恩使將赴燕
前二日一洞人齊會各進一杯以別乃楔中
故事也酒半大君令某賦詩惶恐不敢辭退
而錄七言近體一首謹再拜奉呈

填門車馬似前年 天屬如何又獨賢禮屈梁園叨
授簡會當春社悵離筵箕封驛路兵塵後燕地山川
夕照邊到處登臨應有感渾河西去倍依然

挽任賓客統

一字題時一涕垂有情那忍此哀辭生平不作隨人
態死後能令舉國悲始伴新春尋故里還依落月踏
前歧魂來魂去冥冥裏再往呼君君豈知

白洲集卷之九

白洲集卷之十

五言排律

送千秋無謝恩使李侍郎弘胄朝京

金鏡千秋節銀河八月槎紅雲瞻鶴闕紫氣壓龍沙
皇帝方推轂將軍早建牙斥關充虎豹探穴磔蟆蝦
六合元同軌三韓本一家封疆雖外服文物即中華
父子情無間君臣義有加毫毛皆納錫筐篚亦登嘉
歲受青臺曆常供白鼻駒祥期延發穗優詔屬頒麻
陞謝宸恩大嵩呼寶篋遐使乎元地望行矣即天涯
風翻搏溟渤霜蹄騁渥洼明珠騰異價良玉絕微瑕

白沙集卷之十
健筆臨池綃新詩映壁紗瑣窓曾視草宮雪幾煎茶
詠罷當階藥名留滿縣花南藩纔繡鉞西塞又鋒車
許國身輕葉揚庭啓卷芭午門隨綵仗法殿散晨霞
燭影初分象鍾聲已散鴉香飄麟不動樂奏鳳爭拏
濃露仙桃熟殘星御柳斜去依黃道日歸訪赤城霞
自笑摧翎鳥真如著足蛇百年唯浪跡萬事只長嗟
宇宙生何晚江湖興獨賒離懷看楚劍別路近胡笳
扶漢誠徒切觀周計或差直愁東海隔乍恐壯辰遮
附驥心猶逞雕虫手謾文瑤池聞七德來句小夫誇

春日灣館書懷贈李贊畫

時發

絕塞龍灣館嚴程鴨水濱相逢關外客半是洛中人
號令轅門肅規模節制新乘駘看仲郢閱馬得元賓
喜酒盃嫵窄探詩紙患貧竒遊復勝地良晤即芳辰
野雪初消日官梅欲放春隴雲低出漠江樹遠浮秦
羅綺填華屋瓊綸間彩茵嬌歌含淺笑軟語帶輕頻
未必寬羈思無堪結好因他鄉仍抱病窮海獨迷津
此會誠非偶平居亦不頻樽前飛動意白首莫緇磷

送進香使

銅柱南雲外金臺北斗傍仙槎清海氣神劍動星芒
昔奏先皇帝時為左侍郎家君同受節小子亦騰

裝絕域晨昏遠微官雨露長譙笳催塞日戍笛墮胡
霜區別華夷界分携骨肉傷去來移節序榮辱信穹
蒼末俗名為累清時病見妨遲回猶造化離索杳參
商魑魅縱橫地龍蛇戰聞塲葉人迎玉舄稽吏走銀
章感激君山淚差池應邵香火雲燒橘柚腥霧潤檳
榔海澗超歸夢山尖刃別腸有時傳翰墨無路接杯
觴跋涉應吾道賢勞即我常兩家無暖席連歲迭承
筐熟路將新命同行得季方我歸仍寂寞公去又輝
光任直須前輩功多且厚償嵩呼今夏啓虎拜昔春
坊銀海深無地金堆閉不陽無因攀帝駕何處叫虞

皇昇日賓天痛龍飛鳳曆昌煦嗟滋衆息剗刮淨邊
疆如渴人求舊相須佐得良普天輸版籍窮海湊梯
航雜種巾裳但仙班珮玉鏘天階同進退雲路共翔
翔萬國觀瞻處三韓禮義鄉使乎符物望行矣喜身
強緩急安危際艱難險阻嘗世情看用舍王事任行
截不是思鄉切還應就道忙神明宜保護將息貴周
防自笑潘生拙誰憐阮籍狂襲薰曾入室待酒慣升
堂驥尾違初願螭頭阻遠將羈愁兼別恨握筆愧鋪
張

挽守夢鄭先生

尚矣唐虞際寥寥輔拂臣替興看曆數契合想精神
白日回黃道青雲繞紫宸諸公扶社稷夫子任經綸
密邇華筵曉雍容曳履春贊宣將至化知顧亦殊倫
學業師儒重風稜長憲新庠黌恒滿屨臺閣動埋輪
世誦三千牘人期咫尺鈞誰言罹霧露遽報返星辰
末語催朝服遺書泣搢紳蒙年隨帖帖成訓荷諄諄
始借周郎宅重僑孟氏鄰義存師弟子情比父兄親
警咳疑如在風馭杳莫因高名懸北斗大筆記貞珉
多少登龍士平生置驛賓九原爭負土何但受經人

送日本回答使鄭叅議

藉甚烏川子曾為馬島行古來須宿望今去定齊名
幕下埋金氣毫端振玉聲家家椰酒出處處擢歌生
漢使乘槎路秦童採藥城煩君問真訣歸日許詳評
啓運宮挽

大族連珠府殊稱 啓運宮 聖心勤孝理慈訓叶
陰功夙歲嘉姻貴 先朝睿眷隆丁寧昇異夢感激
誘神衷胚育頌文母資成即化工世方當轉幹天欲
濟昏蒙遺意真能體貽謀實自躬家憂經際絕國養
備亨豐冥漠天難恃沉綿歲且終 御衣宵未解

玉色露仍烘靈隲山川閔神方藥餌空歎儀光舊典
嬰慕徹高穹日卜形家吉瑩移縣地雄千秋破慳護
百里擁慈籠寶美祥彌遠遺奩痛不窮漢雲春暖曖
巴樹暗隴隴素仗臨江曉哀笳引路風從臣皆雨泣
不敢仰 重瞳

題張元帥晚西征別帖

元帥西征日春郊帳殿開千官鳴劔珮十里霽氛埃
軍服升壇拜溫綸近榻來小心臣老矣專命汝欽哉
故事親推轂殊恩手勸盃榮光湛雨露肅氣迅風雷
感激臣隣動超騰士馬催雄名聞四海峻秩接三台

新律軍容整先聲虜膽摧青油舊從事搦筆愧九才

別湖西權按使盼

昔赴征南幕曾遊拱北樓關防八路景形勝兩湖尤
自古巡宣重公今寵渥優聲華從夙歲履閱冠同流
嶺服纔宣 命畿民又請留艱難經濟急外內重輕
倖受節丹墀曉開營錦水秋衣冠填祖席笳鼓引征
騶滯直違瞻送題詩寫別愁棠陰召伯路梅信豫章
郵况有云主贈其女白璧酬徵黃應不遠清漢候仙
舟

挽芝峯李尚書晬光

不復玄微論誰能正始聲山川日蕭瑟星斗謾崢嶸
館閣思先輩銓衡失上卿家藏獲麟筆壇絕執牛盟
零落山公啓流傳許邵評堂堂埋玉樹鬱鬱閉佳城
一代三蘓盛同朝萬石榮為郎曾未照連姪又深情
每憶樞衣地多慚倒屣迎西州春草綠立馬淚縱橫

瀛洲記遊口號

乍歇清林寺仍投助道菴登雲月明過佛住海山探
鉢瀑東西洞金巖上下潭蘓來學士筆寶相大師龕
文彩前朝盛風流後輩慚漫山皆木果塞路盡香拈
金佛香為殿蓮經玉作函磨天獨石立倒海衆峯澗

陰壑千年雪層巔白日嵐平臨碣石北俯視老星南
小少烟霞疾平生水石貪蓬山曾埋屐瑞石亦停驂
福地元無二神山本有三奇遊今始辦勝事昔曾諳
約束佳賓至留連韻釋談香爐烟欲散風榻酒微酣
宿習兼多病迷方笑太憨懸雲垂鐵鎖悵望只心參

次子時咏大雪韻二首

東郭先生宅西湖處士家全埋門與逕不辨渚兼涯
翳日踈還密隨風正復斜吳門誰見馬秦柳未藏鴉
晶氣朝偏積寒聲晚更加粧樓呈態度珂馬助光華
越犬疑群吠淮鵝想亂譁普天頌漢絮匝地種潘花

清冷頭簪玉迷離眼隔紗探珠休赤水留寫即琅耶
愛映書窓近忘尋酒巷遊竹垂停鷺鷺松倒壓虬蛇
海濶填愁衛山高觸怒媧繁寒烘少暈鏡短鬪無茅
影亂翻巢鶴涎凝着壁蝸八方皆淨土萬里是恒沙
積處都藏角融來盡滌瑕日窮夸父逐陰閉燭龍呀
搏獸同沾化宮貂舊拜嘉烟收香吐鴨水凍硯含蟻
機靜纔收杼園空已卷芭誰將盜擬柳還訝玉為葭
銀界須臾幻瓊簾次第遮白生蒙叟室明照魏王車
晃朗星橋遠參差月殿賒畫蕉堪遣興授簡謾傳誇
撥火幽居勝銷金舊習奢無心任飄拂得意轉紛拏

地勢又無坎江形字失巴翻思漁社會水底夜魚叉
璀璨瓊姬院青瑩玉帝家疊岑青露髮遙海白迷涯
欲墜還如懶方飛故作斜紛紛皆化蝶點綴只歸鴉
受月光偏積乘風勢更加翩翩辭閨苑茸茸散金華
比潔仍相妬聞聲却不譁有田唯種玉無樹不開花
剪取澄江練裁成浣石紗書文縈篆籀劍鏗淬將耶
勝地平無險孤村近覺遐崖崩僵虎豹澤涸凍蛟蛇
竹韻吹簫史松鳴鼓瑟媧任他埋菊徑加意護蘭芽
灑衲疑呈絮粘階類綴蝸散星宵隕石靈日晝揚沙
不辨高兼下都葳羨與瑕山隨愚父轉巖合巨靈呀

賦憶梁賓盛詩傳謝女嘉色應欺瑞雉精不蝕妖蟆
散漫時窺幔憑陵欲過芭漢臺留翠栢秦水變蒼葭
寺井水初斫溪橋葉共遮野寒逢獵騎山晚返樵車
北海食檀久藍田見驛賒騎驢吟獨苦披篋興堪誇
楚簟含風滑隋宮照夜奢悠揚來復去撇捺靜還拏
卧吟貧同洛堆珍富埒巴烹茶看疊浪呵手下簾叉

挽張玉城

晚○代先
府君作

執友皆淪喪姻親半在亡今君又冥漠老我益淒涼
孝友思張仲謀猷想子房旌旌曾岳牧紳笏久巖廊
運智誅狂逆殫忠答 寵光勲谷爛竹帛事業勒旂

常鎖鑰三邊壯江河萬古長風流隨化盡疾病造朝
妨牢落新開府蒼茫舊戰場時危失良將老淚日沾
裳

別冬至奏請使韓元之

仁及

令譽從游泮清班早館瀛詞華稱獨步墨妙冠羣英
玉牒黃金刻牙籤寶軸成廟宮新上號屏障樂留名
題品紆天眷風流邁月評謁來皆滿願歲去盡為榮
國有初頒慶公膺特簡行顯揚綸誥煥輝潤海星明
後請兼前謝覃恩在積誠才難非節使事急是嚴程
勝氣關門迥妖氛岱岳晴聳瞻鸞鶴立爭趨珮環鳴

藻思奚囊溢龍光御札擎驅馳身未老際遇運方亨
送子無多語憐吾太瘦生臨分覆涕落世好本為兄

別東萊府伯洪公

靈

欲作萊州曲萊州無限愁天低過嶺路地遠望京樓
節序梅為信音書鴈是郵烽烟看白日瘴霧失清秋
城壓蛟人室潮迎馬客舟關防憑象譯風俗聽漁謳
方岳纔宣化洪崖舊宦遊聯芳應有錄物色為分留

別尹完尹

煌

豐沛龍興地衣冠月出鄉山河百里壯城郭萬家箴
節制新明府銓衡老侍郎清時猶諫草素業只書香

丘壠聯桑梓封疆映棣棠一門偏雨露五馬倍輝光
花滿名玄觀江深揭碧堂參差十年跡看我舊題章

日本國日光山詩

大提學時特命製進

孝理光三界文明闡一邦教先行禮讓俗已入淳龐
冥薦洪休答神威衆魅降道坊開秘奧福地壓崆峒
彩蜃珠為闕飛虹玉作砮名區稱下野寶座擁層幢
海日春生殿山雲曉滿窓靈杉看鬱鬱法水聽淙淙
配極追權現歸尊絕等雙經營增舊制輪奐集豐扛
赫業輝前烈新謠叶古腔祠官晴閉戶浴室夜明缸
貝帙堆牙軸茶甌間酒缸磬殘聲尚隱僧老語無吭

燕賀隨陪列龍吟應擊撞布金通覺路登岸信慈艤
精白誠應格深嚴魄自懽風聲向激仰交好賴心控
東照垂千紀南能過九江題詩寄回棹還愧筆如杠

挽綾城府院君具公宏

尊屬兼勲業名臣是典刑家無領袖白國有簡編青
銓席曾懸鑑銅標久勒銘謙清疏玉石令肅走風霆
地踣滕公馬天流蜀將星殞身當氣數報主想精
靈謝過新壇闢羊曇故宅經妯親還揖客世好又寧
馨趁日衙常早憂時淚並熒平生沙苑路唯見樹飄
零

挽平城府院君申公景禎

奕世威名盛元勲位望高姿凝絳侯重習剗謝家豪
三事和句在千年鐵券牢幹旋符物議跋涉任賢勞
意氣徐君劍平生范叔袍籌司陪几烏灣路逐旌旄
揔為時艱急真慙國士叨寸心唯雪淙微命分秋毫
遽奪應天數全歸幸我曹槐陰空滿地獨向寢門號

挽達城尉徐公景晉

都尉先朝盛唯公見太平光輝隨顧眄禮數備
恩榮喪亂中年事交親兩世情幾經投轄飲長記掃
門迎瓜葛纔申好膏肓奈宿嬰花應玉欄賞草自沁

園生痛哭南阡送蒼黃北塞行賦詩當輓曲泉路鑑
精誠

七言排律

挽白沙李先生

白髮先朝老大臣天生豪俊任經綸文章李杜為
餘事德業臯夔是後身霽月光風佳氣象金剛玉粹
好精神行藏有道龍初蟄倚伏無常蠖必伸綠野琴
樽新社靜青門花竹故侯貧身因許國常輕死語切
直時豈待詢屈子思深悲世隘任公言直賴君仁咸
關暮雪連青海秦嶺孤雲隔紫宸十二樓前床下客

三千里外夢中人離違已久書盈篋消息難真淚滿
巾暮境沉痾嬰瘴癘異鄉羈思飽酸辛存亡錯道皆
關命媚嫉端由獨出倫未見虞翻沾雨露空教傳說
作星辰鶴歸華表家何在鳳去丹山跡已陳膾炙新
篇傳鵬鳥清高遺像冠麒麟鴻名不逐浮漚盡隆渥
還從入地新一瓣燒香唯刻骨百年含訓只書紳梁
摧棟折將安仰失步迷方更孰親筭室於塲慚子貢
移家于柳負盧遵唯應它日修文會談笑重薰座上
春

殷復前王道并序

二首

讀書堂宣

賜醞應製

約皮

伏以詩云繩其祖武書稱監于先王蓋古者繼
序之君自有傳授大法故後之中興之主必欲
光復舊章是以須禹之功夏有少康之盛行湯
之政殷稱太戊之賢今我主上殿下九五時
乘五百年作周武纘太王之緒誕膺歷數之歸
漢光符高祖之仁允協神人之望彛倫斁而復
叙人得以人宗社危而再安國乃為國克修
祖宗之成憲丕變叔季之瘡風乃於武定之餘
首闡文明之化蓬山賜暇無非儲養之方延閣
宣綸盡是導率之意茲致拔茅之吉咸囿偃草

之休屬當發春之辰渙降霽雲之澤宮壺濃雨
露感春氣之浹身御札爛星辰覺天香之滿袖
大哉王言足見將多之盛烈書諸史冊永為不
朽之美談此數十年來所未有者顧一二臣等
何敢當之臣學未知方才非適用囊螢穿壁初
無對雪之勤搦管含毫又乏凌雲之作幸依白
日之末照猥厠青雲之後塵窺玉府之秘藏目
眩仙籍承紫泥之新命口誦天書既叨與宴
之榮復膺言志之寵臣謹百拜稽首而獻詩曰
玄鳥開基六百年至今垂戒在商編將興將替天心

見惟一惟精大法傳穀自生朝妖不勝雉雖鳴曉德
無愆君心會使終猶始邦化端由聖得賢莘畝久開
耕後月傳巖空鎖版時烟重看仁網開三面復喜甘
霖遍八邊桑野更瞻新氣象桐宮不改舊山川今周
後漢功何讓儷帝馳王道則專禮備三千逢此日時
乘九五御于天宸情政在唐虞際殷鑑無勞戒席前
緬惟殷道中興年事業班班太史編一代儀章皆舊
物百王心法幾相傳天之所啓人何力運屬將興道
不愆須信前衰後必旺方知主聖佐仍賢康衢復見
堯時月青海將鎖漢成烟八域農桑甘雨裡九霄環

佩瑞雲邊弘猷直欲超三代絕學還須障百川再闢
玄圖功莫並重恢蒼錄義難專巖廊濟濟經綸地宵
旰兢兢對越天文墨小臣逢盛際不惟光復願多前

航海朝天

文臣廷試居魁賜馬

五星遙拱紫宸傍四岳同趨太室長萬國圭璋隨象
緯百年遼薊輳康莊常因籲事勤脂轄詎但逢辰罄
祝岡久識潛芽乘圯運忽驚狂鎬闔邊疆天開漢使
浮槎路地接秦皇駕石梁雖在向時猶汎役况當今
日益虔將行艱敢或虧常度處僻還能趨近方已見
殫精輸錫貢更聞將命簡忠良同文共喜通虞服重

譯休煩比越裳海伯攜呵迎玉帛風威安息護帆檣
黃頭打櫓飛鳥避盡角掀溟螯鯉僵木道已穿蓬島
影輜車仍指泰山芒荒吳且復觀周樂遠宋何難達
衛航領略堯封新版籍間關箕壤舊儀章青徐餘俗
今非是鄒魯遺風尚在亡玉節遠隨西日轉琅函遙
奏北辰忙黃塵匝地連秦驛紫氣臨關識漢裝倍覺
皇恩無遠遁定由侯度出尋常王師未遠殲殘寇邦
命如今屬再昌何幸小臣逢聖際佇看西塞定搶攘

挽完平府院君李公

元翼

獨幹璿璣贊泰和曾提玉尺正羣訛默延倫緒開熙

恭誓竭忠猷滌細苛宗國憂深即劉向元臣禮絕又
蕭何一裘清著初無與八柱功高却任他漢閣丹青
遺像肅沔祠香火後思多平生大業徵良史咫尺新
封阻輓歌可耐宸心悲失鑑偏教義故淚懸河暮
年華屋榮鄉里零落他時不忍過

挽玉城府院君張公

晚

曆數先朝將相才玉城勲業最雄哉咸稱方叔謀
猷壯早識婁公度量恢領略山河歸約束走趨金紫
視輿僮千年幸際中興運白首重登上將臺位近三
階班自絕禮隆雙闕轂親推時當逆豎干天紀義激

王師指日摧蔡卒已驚丞相至蕃人爭拜令公來
園陵一掃妖氛靜渭水初迎法駕回戰士黃金分爛
熳元戎麟閣起崔嵬功如大樹人誰撼謗似中山事
可咍晚節優游偏雨露餘威煇赫尚風雷江湖范蠡
扁舟在花石文饒別墅開畫省香爐曾未照南樓清
夜幾追陪窮途汲引慙高義大府周旋愧散材病裡
憂時聞款曲語間開抱絕嫌猜山丘零落風流盡部
曲淒涼雨泣哀死葬衡山開馬鬣身騎箕尾壓河魁
平生劔舄陳如舊哭向床前奠一盃

挽九畹李參判

春元

周旋樽俎緒言承何幸龍門早獲登爽氣相沾金掌
露清姿宛對玉壺冰才從弱歲聲名重病到明時感
慨增繡節臨湖多惠化銀臺視草想風稜鵬程水已
三千隔鳳穴雛皆五彩騰無復騷壇聞白雪輓歌淒
斷愴難勝

寄題閔按使士常聖徽用拙堂

扶蘇山外水雲鄉用拙為名按使堂家世聖門推德
行功名昭代荷恩光箴同畫佩存吾道志擬菟裘守
士常地近東吳元擅勝舍鄰南阮即聯芳雕鏤剩發
千年秘涵冰全拋四序忙版籍參差箕準國城池寂

白洲集卷之一
十一
莫羨慈王中書古石封寒碧蕭寺殘鍾落晚涼夾路
蜂喧花似海繞堤鶯擲柳為庄微霜淺渚魚罾細亂
雪深窓酒漉香鹽市腥塵迷兩氣官橋候火絢星芒
風生賈氏褰帷路春滿姜公共被床社席金緋交野
服夜船蕭鼓間漁榔茶經竹譜評應了藥圃花畦藝
不妨恣取風光供點閱分輸佳興討揄揚虛名誤擬
三王後退筆慚無萬丈長惟有病懷兼別恨一時撩
亂入詩章

禍轉止胡歲

湖堂應製居
首賜虎皮

節屆商金歲又庚氣專秋殺屬澄清星窮一紀周而

復運際千齡否則亨漢帝揚威先朔漢唐家止亂自
幽并纔聞塞土妖氛豁復見關雲喜色呈上將新兼
丞相府前軍已出度遼營東收丁鶴重來地址拓秦
皇舊築城定武功為郊祀曲胡無人作凱歌聲勢同
破竹初迎刃禍必除根可折萌卯宿何勞看月掩狼
烟不復報塵驚他年會檢天官曆歲紀先書北虜平
穆陵遷葬挽

小臣生世敢言遲曾向堯衢仰彩眉夢裡簫韶猶髣髴
鬢望中松柏已參差軒臺劍寫天崩慟原廟衣冠月
出儀久識喬陵治命在即看渦水舊封移揄揚羽衛

神行肅拱挹山河象設宜不待三千還白日那堪咫尺想丹墀趨蹌宛是朝班舊動植誰非德澤遺銀海飛鳧深幾許瑤池回馭杳無期春風吹淚重經路雪夜燒香獨拜時四十八年真過隙至今窮谷有餘悲仁穆王后挽

喬山松柏未成陰白日長秋鎖鑰深否泰相乘關國運彝倫不廢見天心泉臺一洗丹書痛 壺極重瞻寶座臨視膳三朝敦孝理陳衣一夕闕徽音靈隨虞帝蒼梧駕讖應吳人素柰簪花發玉欄春漠漠鴈飛銀海夜沉沉宮壺水咽曾傳漏門榜塵埋舊

貼金吉仗漸移仙馭遠從臣清血各沾襟

挽鄭判書 經世

經術文章早致身兩朝恩禮極儒臣病還東洛方加額痛切西河久損神講語幾回淹午漏履聲無復上星辰周旋敢忘同曹日薰挹長懷滿座春藥畏關情頻寄信書函留恨已栖塵遙知送葬三千乘半是平生問字人

挽李知事 慶全

辭命前朝稼牧雄代生燕許闡宗風榮名早襲箕裘業晚計全收翰墨切醉後乾坤人是羸興來湖海迹

如鴻官兼盟府三階近家北文園四壁空雲沾接敢忘
迎節地陪歡長憶候仙宮臨歧把袖春醅冷對榻題
詩夜燭紅禮數豈拘還往際精神不隔別離中他年
草市看遺稿淚盡香山舊通筒

白洲集卷之十

白洲集卷之十一

五言古詩

待東岳不至分韻得右字

雨餘江色佳水落石面瘦斜日在高樹青山湧座右
佳客有佳期鄰翁亦邂逅痛飲不計巡朗詠詩篇富
半酣倚高樓清風滿衣袖冷然欲輕舉意氣彌宇宙
窮途少知己好會誠難又扁舟鼓柁去欲向沙頭候

古劍篇

我有一古劍劍光白如雪黃金絡其柄玳瑁粧其室
銀星半零落老龍手中吟豈惟懾百神使我無邪心

白洲集卷之十一
我欲倚崆峒直斬樓蘭首西去賀天子拜獻南山壽
不然劈滄海快截吞舟魚羞為里中兒宰肉以求譽

觀身

觀身向世慵在家謀生拙無錢可買肉對案唯踈糲
病妻強解事山厨有蕪味春初石耳羨夏日木頭菜
鹹淡幸調和亦足充腸胃一飽萬事足坐睡茅茨下
湏吏進濁醪既醉仍復卧坐卧兩無違我本如斯者

憶餅師曲

深宮春晝永睡起髻不整坐見簾頭燕雙飛照雙影
年年來舊巢不復分炎冷誰云五侯鯖却勝餅師餅

夜坐口號

白露濕青草流光餘幾時君子有所思出門迷所之
忽見西來鴈飛飛天一涯欲問塞上事去影何由追
悄然下簾坐此懷無人知

偶吟

以體察從
事巡海時

昨夜宿何處月明孤島中三山失所在此地即蓬瀛
泠泠洞仙家隱隱龍王宮鷄鳴海天曙鼓柁乘長風
和五子詩

鄭行人子容

知溟

行人有盛名子真豈其卿枯槁巖穴間嚼然遺世情

白洲集卷之十一
二
可憐丞相家舊業秋水清畸人不畸天此道要一明

崔兵部子謙鳴吉

負外素多病閉門發孤詠清羸若不持乃心金石硬
朱紱視浮雲青山有誰競蕭然數間屋一掃塵垢淨

張內翰持國維

內翰大家數受材雄且邃生之非偶爾泥者豈天意
江山占國士風月困驅使不見且久矣懷哉淚雙墜

申都尉君奭翊聖

東陽抱高調華聞自幼少文章乃家事筆法更精妙
為人自竒士獎許受 宣廟天題白玉壺至今猶炳

耀

朴都尉仲淵淵

錦陽貴清疏文事乃其餘眼底無全牛腹裡開秘書
栖栖江海間去來三尺驢頗憶往時否瑀軒乘玉除

持國酒席口占贈子容時子容將南還

君有幾斗酒我有千首詩一盃詩一首我勸君莫辭
豈無他日會與君將別離此地即故鄉捨此欲何之
厄君亦久矣天意或可知江南信樂土親舊復有誰
西湖十里間風月本無私我舟君可棹我釣君可垂
以茲為活計亦足此生涯請君休早發為我少遲遲

白洲集卷之十一
三
別後千萬言何能慰所思

艮嶺逢虎

近海寒氣早十月冰雪深艮嶺屹嶺間白日松檜陰
一路細於絲老虎草間蹲御者馬前立錯認爲山豚
近之不盈尺大吼蒼崖裂同行十餘人東立不敢發
移時掉尾去始得投前驛險哉此山川若哉吾行役

稷山道中二首

明月照溪水水底石可數遊子戀京華夜深行未已
犬吠此山村燈明何郡寺風露滿衣袖遍身襲寒氣
鷄鳴到山館耿耿仍不寐

僕夫足無襪夜草寒霜稠不辭今夜行欲於明日休
莫言前路遠已報愁店到歎息謂汝曹行役令人老

三陟道中

隴西騎牛人素有烟霞疾東來太白麓俯觀滄海日
赤雲騰紅窰六龍髯欲藝扶桑在眼底西枝手可挈
坐井莫言小壑洋莫言大不知天際天何知海外海
始信中原人論說皆爲虛中原在我西何處見日車
設令有所見所見特吾餘天地一聚塵衆生誠微眇
惟有廣成翁飛翔八極表

蔚珍道中

碧海長風生白日晴雷吼海中三神山出沒如鰲首
滄泊萬餘里天水日相洶人生不觀海何以曠其曾
可憐秦童男樓船何處求所以曇無竭浮來乘石舟

三陟道中得一羨石

我行東海邊慣見風濤惡大者拍天起小者如山岳
先者怒未已後者鋒已觸當其澎湃時天地皆辟易
况此一拳大去來安敢息無乃三神山其一即此石
磨涅又磨涅積久成錙銖錙銖又未已畢竟至於無
今幸入吾手吾手有蓬壺滄桑在頃刻天地亦須更
既見大者小小者大亦可是以西方人無生無死者

別聖節使權僉知啓

古稱三神山萍浮東渤內琅琊赤玉爲棄之如蟬退
樓臺隔雲霓恍惚迷所在鍊石飛砂人褰裳濡足葦
徂徠碣石間簇立成羣隊欣然庶幾遇注目歸鴻背
翩翩何處船絳節鳴珠珮皆言神山人邂逅落闌闌
爭來問丹訣應之應不昧若問真仙人將以何人對

別咸平使君朴大觀正

未別懷已惡既別情何已豈無言可贈欲語還復止
江南卑濕地可憐多病士秋風墮碧蕙衆芳日以委
願言持此操相期保終始

別伊川使君俞子先伯曾

濁時怨離居清朝困直士處世誠不易昇沉非一理
皎皎玉雪姿養養深峽裡何處不宜勉 主恩無遠
邇相憶即寄書去來應有使

別江東使君羅夢賚萬甲

皎皎玉堂仙翩翩向西鄙西鄙多艱虞此行誰所使
有母不得將不為營旨漣去矣莫回顧男兒行處是
看君頭角高定非空老士

歇馬松下前有古墳

我坐松樹下前有千歲墳縱橫荆棘叢出沒鼯鼠群

當時四尺高春秋香火勤世代易推遷古今同朝曠
子孫未必無路人誰能分山川盡變改况見銘石文
沉吟不忍去有靈應有聞

簡謝永安寄贈李澄畫山水扇

秋雨抱書眠柴門有人扣瀟湘洞庭色不意落吾手
蕭蕭水草寒遠遠風帆走為謝李畫師筆下有天趣
只欠數行鴈點綴歸雲後

別羅夢賚謫海州

八門老親啼出門小兒挽依依秋日低蕭蕭野色晚
親友路邊立握手勸加飯病夫別有贈薄物愧深悃

紙以比較潔香以取清遠墨以重膠漆筆以寫繾綣
六月十九夜錦林公子要我賞蓮見沉香石上
有一楓樹殊可愛戲贈一詩

請以一局碁賭君一拳石愛君石上楓蟠根苔蘚碧
置我書案上呼爲小楓岳

次持國七夕寄示韻

冗病苦相迫止酒仍廢詩佳辰阻良晤鬱結勞我思
天上有會合人生多別離清篇荷帝示愛玩忘午飢
秋炎亦無幾宋玉易生悲過從趁新月不負城西期

附原韻

久覺口生臭不讀李生詩中心積湮鬱夜夢仍晝
思昨感牛女會爲賦生別離三友幸聯鑣慰我長
如飢座上不見君歡劇仍生悲君如同此意請問

汾淮期

汾淮指汾
西東淮

復次前韻寄持國

青山送暝色兩脚映新詩詩成謝故人日夕費夢思
咫尺不相見不須傷遠離田家白麥飣亦足充我飢
役役爲誰故偏側令心悲願言携手歸白首以爲期

附次韻

我抱公幹病懶作漳濱詩端居守鼎爐萬緣都不

白洲集卷之十一
七
思平生金石交咫尺成睽離籠中海鶴瘦極上天
馬飢牽率偶拈筆寄興仍娛悲知音幸可託許爾
是子期

夜坐次兒輩韻

枯腸已貯火衰髻半成雪端居世念息却掃人事絕
新愁蝟毛集往事鴻蹤滅舊作雨中檢陳編燈下閱
寒依暮雀栖淚迸冤禽血草壁只四立麻衣從百結
逢人恒愧忤觸境先恍惚含情長脉脉顧影空子子
風痺樹蛙口濕腫憐鶴膝湖圻念栖屑關塞傷離別
夢去或連夜書來常隔月世事付荊凡人情視秦越

見失句河翻玉斗斜漏盡銅壺咽君看歲寒姿風霜不
改節

平原客館送姜公獻瑜還峽短歌

歲晏霜雪繁天寒古峽內游子問前路東南白雲在
豈不戀京華相逢非舊輩非無獨往意未忍辭親愛
悠悠百年間局促難進退撫劍忽流涕五嶽生肝肺
歎息謂傍人此子有狂態

麟蹄縣齋次暹上人軸中龍溪金公韻

曉發藍橋驛南望寒溪寺日午憇縣齋山僧追我至
軸中有二詩讀之情何已死別久吞聲生離亦苦思

龍溪金公於余爲從祖下世已十年且詩中所謂惜
別人即舍弟道章作也道章方出宰晉陽故篇中及
之

臨別信筆贈姜公獻還峽

鷄鳴天欲曙結束行人起豈不思少留前途近百里
吾襄易爲感此別又他鄉世事信悠悠後會知何方
山家木麥田種鋤須及時待吾納節歸歲暮以爲期

峽村雨中得絳字韻無聊口號

奔湍曉風咽疊嶂朝雲絳孤村靜無鄰廢邑小於虹
林深鳥雀喧野曠鷓鴣降極備與極無湯旱同堯涿
哀痛切宸極愁歎溢里巷到處見菜色誰家聞醉

闕憂天杞人愚哭漢賈生慙短策欲叫閻蓬力愧鐘
撞

挽李應教行遇內

久疾本無醫好物寧有堅人豈不知命奈此情意牽
哀哉亦徒耳舍之即悠然終焉泉下會可結無窮緣
達者知此心我爲夫子傳

瀋館次清陰韻示直夫

留亦何所憂去亦何所喜去留非二途喜憂惟一理
平生嗜古義齒髮忽遲暮良由時命也豈爲文字誤
天有定不定誰人問其故片言亦相契終身或未悟

先聖素位訓達士齊物論願言各書紳有改無則勉
附原韻

吾三人者不相見六七年哀戚憂患幸而不
死而又各在數千里外無由一邂逅也寤寐
思想蘄天之使或相遇於林壑江湖之間少
慰此餘生雖不能成其至願詎意飽之以陰
山大窖噉雪飧糲之味也天之意亦異矣噫
明夷聖人所不免於吾等何哉但當自盡其
道庶不負君子素位之訓聊述短章用寓鄙
意

人生期百禩一半憂與喜况當艱虞際所遇皆逆
理愁端結腸肚危辱迫朝暮平生慕仁義仁義豈
相誤屈子亦有言莫好脩之故問天天不語問人
人不悟常聞聖人訓素位有至論顧余同志士作
詩重勸勉

清陰

次李白紫極宮詩韻

潯陽紫極宮謫仙初詠竹後來和者多青山土幾掬
祇今霜雪中貞標此君獨雖無螻蟻侵詎有鸞鳳宿
千竿淇水澳幽居我新卜知非自今歲猶為不遠復
清陰山窓下對之盃可覆客至莫問我我醉睡正熟

七言古詩

白如雪

白如雪者水邊沙明如練者沙際水沙如增白水增
明月影落在空江裡我吟蘇軾赤壁賦舉手邀月迎
風舞呼兒取酒立飲之俯視大江流一縷翩然乘鶴
欲輕舉散盡世間千古愁上朝三十六上帝醉卧白
玉樓上樓

夜汎醉號

落日未落兮江之水落青山暝兮白鳥飛榜有響兮
灘有石岸欲轉兮舟欲移舟人謂沙而為草兮捩拖

回棹不敢近之魚龍寂寞水府深纖雲四散清風吹
清風吹綠波興恰似金樽美酒玻璃光我醉而歌君
起舞月明白露沾衣裳

行路難

行路難我從牙山白石村欲向水原莎阜去大風掀
天滄海立沙頭喚舟尋無處秣馬東歸大澤中早潮
落盡泥汨汨急雨如注兮驚電修鑠蓑衣翦笠皆摧
折雲陰陰而曠日兮時早晚之難決平野間其無人
兮路長短其誰詰行路難千山欲暝兮宿鳥投林流
螢閃閃兮村路沉沉山深疑有虎豹伺路險如逢盜

白洲集卷之十一
十一
賊隱拔劍夜行五十里魑魅憎伏不敢近羸馬十步
九顛兮僮僕呼飢却不前燈明犬吠尋一村斗杓已
垂東南天

戲書天下圖

我之生也何局促一生老此彈丸國既未能鞭雷御
風歷天衢又未能鼓柁乘桴環八區假令早晚持節
覲上帝不過遼燕路一帶三峽三河吳楚間大水名
山如隔世以此發憤欲狂呼赤脚蹴踏天下圖

夜過子橋口號

禿頭兒携瘡背驢山路沉沉無月夜天際長江練帶

斜白者為烟紅者火風外遙聞犬吠聲暗記前村老
樹下

俠客行

同是悲歌士相逢酒肆邊為君提劍出門去萬戶月
沉人已眠

贈金伯厚

堉

山客出山山雪深窮途歲暮衣裳薄曾為同隊學道
魚今似尋家返鄉鶴憔悴君猶澤畔容沉冥我自甕
間樂醒來不省別時言昨夜天寒何處宿

寄呈降仙樓主人

白洲集卷之十一
十一

白洲集卷之十一
十一
我為金粟之後身兮公為玉帝之外臣玉帝置公香
案前公騎白鶴朝玉宸問公何事人間來瑤池誤折
蟠桃春三年謫下降仙樓巫山綠水之悠悠清都露
氣猶濕衣安期玉舄留丹丘鸞笙鳳簫引香風羽蓋
星冠欲輕舉金字題詩七寶扇不是世人烟火語陽
春白雪誰和之三十六宮隔仙侶顧我身如着泥絮
安得隨風向爾去昨夜西樓一鴈過陽關夢斷無尋
處吹我法海無孔笛借公仙家不死藥飛丹砂兮拾
瑤草採綠髓兮飡金液然後飄然凌太清相逢拍手
雲間樂

記夢

東海之墟木帝所居銀臺金闕望之如雲兮羽蓋星
冠襍沓繽紛伊余絳節朝天門夢裏分明超世氛鸞
笙兮引路玉女兮成羣帝乃呼余於青城兮賜余以
金光之靈草曰汝之持此以壽汝親兮壽與天而偕
不老余拜余手兮稽余首靈椿樹下開春酒千歲桃
花萬歲核鳳脂麟髓羅左右余與余季綵衣舞當筵
喜氣春愉愉白鹿真仙授秘訣青牛老子傳神符脚
底烟霞五色濃蓬萊萬二千芙蓉白石清潭千尺松
松下丹書苔不封雲為車兮風為馭倏忽東西無不

白洲集卷之二
之仙之人兮坐如麻勸瓊漿兮啖玉芝正是壺天白日長人間此樂心自知笑彼褰裳濡足人樓船一去無消息何似吾家宿緣隸仙籍上帝丁寧降之福書之所以志喜也故余不可無此作

送龍湖主人趙同樞還鄉

龍湖主人酒酣擊壺歌激烈秋雲不動秋天濶歌罷
愀然獵纓而危坐兮不語不笑有若心懷鬱結不敢
泄寂如真僧念珠經窈如靈妃奏瑤瑟寒如千尺青
松壑底卧古如一寸斷戟沙際出昂如映日之翔鸞
快如橫霄之俊鶻淒如秋兮暖似春始陽終陰兮轉

鬱鬱余方操筆援筆立待乎門庭兮跪而進兮仰而
詰形何居而采不定意何居而口若蜜將悲草木之
搖落兮昨夜清霜今夜雪將悲日暮途遠兮少壯幾
時易衰歇將離塵絕俗而邀舉兮采鈇飛砂鍊金骨
將揮戈躍馬而橫行兮出塞登壇建玉節將同屈子
之處湘潭兮望羨人兮隔天末將同宋玉之送將歸
兮水遠山長音信絕不然將如汎汎之虛舟兮物無
我忤兮無所怵不然將如屹屹之砥柱兮獨遏狂流
任嶮岢公乎為我試言之凡此數者必居一公猶不
荅心悠悠促席催觴飲不輟忽然投觴擲杖拂衣而

白洲集卷之七
十四
起坐兮更向樽前歌一闋大海翻風水拍天魚蝦踔
踔蛟螭沒雷霆倏鑠兮雨雹交至地維欲摧兮天柱
折為牛為馬兮唯所召一榮一悴兮何足說孔孟兮
栖遑嵇阮兮放達吾誰取法兮誰托業衆好文文兮
獨皎潔驥服鹽車兮鳳栖棘羨者見妬兮賢者嫉投
河兮不可浮海兮難必非山非野靜散地烟霞吐納
神仙窟翠竹青莎白石路草宇三椽可容膝今我歸
來歲律暮圃有新菘園有栗寒衣飢食兮不願餘聊
以逍遙送日月來無却兮逝無留昔無伸兮今豈屈
蹴我兮起我執我手兮將訣貫酒下金裘題詩萬句

筆烈士腰間劍如水平生未試鯨鯢血古匣塵生龍
虎鳴銀星錯落蓮花缺臨分含笑欲有贈與我肝膽
不楚越相將意氣出門去不是世間兒女別

挽李永柔有吉

爾不能立石記功燕然山但能暴骨黃沙白草間男
兒死國是常事自古死者非一二夫何使我傷精魂
仰之不啻星斗尊不有于禁屈膝降安知龐德節無
雙噫吁噫爾今差可報 主恩爾家尚書宜有孫

代贈

二月關河雪正飛新安道上行人稀新安女兒顏如

花淺斟低歌金縷衣蘭燈欲滅繡幕深含笑向君
莫違

醉時行西湖舟上口號

家在西湖白石里有樓隱映垂楊裏五月六月苦炎
熱開簾四面清風起二三佳客携酒至此日清遊偶
然遂兀坐高舟劃然嘯水府老龍初破睡金波盪漾
光有無橫空素月明如洗湘妃漢女爭出迎貝闕瓊
宮迷眼底安得仙人躡月橋坐我桂影婆娑處安得
靈波汎漢槎送我天孫飲牛渚蓬萊弱水接渺茫漢
使秦童竟何許三清露氣冷逼身兩腋泠泠欲輕舉

我醉而歌君起舞大袖張來隘九宇參橫月斜夜如
何極浦點燈聞暗櫓東方漸高天欲曙清興未闌還
悄悄回舟欲繫短篷宿水悍前山未易繞此會竒絕
孰主之爾輩何曾辦好事好事鋪張須好手握筆鬱
鬱凌雲氣俛仰之間易陳跡古來英雄皆寂寞何人
解唱浪陶沙噫吁戲古來英雄皆寂寞

走筆送人

先朝濟濟盛文士所稱作者非一二爾家伯父草間
來蓬萊三賦雄無比始若有爲誰泥之可憐有才終
無位見爾少年能文辭爾家遺聲爾不墜是我結髮

白洲集卷之十一
十六
同開文我不爾尋爾必至太白園中百尺樓兀坐盡
日無餘事爾來相對淡一笑咏罷必飲飲必醉醉來
握筆更揮洒萬古寥寥不滿意短衣高冠徒步行射
策君門時不利長安季冬雪滿袴旅舍悲吟凍不寐
涪池豈容伏神龍長坂行應展逸驥我今擲筆為瘖
夫又欲合眼無所視送爾天涯一鉤月帶得三星作
心字

別海西李按使

滇

海西新方伯瀕行索詩曰毋少必多多固難
小而工益難謹聞命

我見海西百不支雖有知者亦難為使蓋旁午無休
時官倉罄懸無餘糜軍興戊午至今茲府帖日選征
西兒 聖朝虛惜露臺貲有司不察蒼生眉驛路不
絕董如絲汚吏剝民無完肌千颿駕海海若馳萬牛
拔山山靈移我欲殫計指亦疲中夜仰屋徒悲嘻不
有更張何所施闔之闢之者監司廟堂推舉薦之誰
李侯此去無不宜此去可以滌民疵此去可以贍軍
資此去貪官不能私此去姦胥不能欺此去風俗振
低垂此去城池修廢隳李侯為政試如斯一域便可
春熙熙李侯早年到鳳池王署步武青雲隨可入眉

宇好風規花牋醉墨何淋漓可憐於世亦嶮崎數年
廢逐同湘纍向者江海把一麾舒民畏威而愛慈南
封已見幼婦碑西臬定遺甘棠思我與李侯新相知
一見直欲去毛皮辱過陋巷徵文辭漢也不文何能
之昨夜清霜下東籬籬底黃花開數枝我有斗酒侯
不辭人生聚散無前期男兒七尺未全衰腰下寶劍
光差差為問持被上天墀何似擁節青海隱忠臣受
命無險夷國家使人隨安危請侯亟行且莫遲海人
待哺方苦飢噫吁噉海人待哺方苦飢

題清平山僧卷

白雲居士雲為裳翩然下自北宸傍朝回三十六王
皇看盡萬二千金剛脚底長風萬里生扶桑曉日如
燈明述郎之徒南石行為我研朱書我名南尋聖穴
北穿島踏盡金沙拾瑤草太乙真人遺火棗問我歸
來苦不早笑指寒松鍊丹處沙明水碧山無語霓旌
欲動廣樂舉回車更向崑山去

次東坡四時詞韻

月課

鴉鬟半鞦鳳釵落翳袖含嬌出翠幕開奩改畫八字
眉步向前階映花萼瑤瑤香珮冷襯肌淚和鉛紅心
恨誰春來自道太消瘦猶趁清明裁舞衣

青槐葉暖鶯歌永金甃
遠水沉瓜冷瑯攔徒倚刺繡
慵賦日接烟花影靜芳眉斜對遠山顰
嬌臉新滋紅露勾街頭光景為誰好
闌草藏鈎皆別人

右春

右夏

久惜殘紅殿晚綠又見霜華封翠竹
芳菲滿眼易消歇泣把青菱掩孤屋
啼虫有恨故近扁素月無情空滿庭
蕭關千里夢中路腸斷西鄰寒杵聲

右秋

微雪踈踈響簷角一夜孤眠錦衾薄
鈿箏絃澁不堪

彈愁對銀缸金粟落蠻牋呵筆字
拖鴉酒暈嬌顏吹紫霞傍人
不信沒情緒勸向粧樓簪綵花

右冬

定州留別南敵萬以雄

我在臺中傑直時都門咫尺似天涯
無端來到地盡處却使君先送我去
世間來去本如此相携痛飲新安市

龍灣館次金書狀地粹韻奉清陰

獨向龍灣道龍灣無故人故人在何處
遠隔雲海津欲往從之行路難關河歲暮
衣裳寒自是行人情不

白洲集卷之十一
極笳聲四起夜漫漫

附次韻

莫作乘槎客乘槎愁殺人鯨鵬戲雪浪牛斗迷天
津日落虞淵萬里黑中宵月出風露寒三山何在
不知處極目雲海空漫漫

清陰

龍灣館次清陰寄別韻

南望沙浦雲西臨鴨江水水流向何處雲飛應到此
心隨雲水傳恨隨雲水起天涯地盡處一見亦偶爾
人情有深淺愈久愈難捨別語不忍說欲起仍復坐

王事有程期僕夫催上馬依稀醉夢間忽已不在前
滿眼千疊山望望憂心悄龍灣舊池臺四顧無人烟
秋懷兼別思悄悄待明發何因借得費公術夙約更
趁乘船日

附原韻

新安郭門西清淺寒溪水溪邊祖席開萬里分自
此澹澹秋色高蕭蕭西風起座中各愴別苦心吾
與爾相携未能捨日晚起還坐我舟不可繫何人
繫君馬君行指日旋奏事銀臺前望我隔雲海戀
我思悄悄春風忽東來榆柳變新烟西郊草色深

沙峴花枝發此地相迎一樽酒明年是我歸來日

清陰

宣沙浦別清陰

八月蘆葦寒蕭蕭海上路朝天萬里船曉發宣沙浦
借問幾時還浦口花發春離歌欲輟棹歌起雲海茫
茫愁殺人

鄭節度忠信擊賊歌

西關之西有名將南斗以南無等人壯年持節值時
危男兒有膽大於身二萬狂賊擁城關一朝迅掃如
掃塵功成不居人所難飄然返節清江濱大駕還都

急召公烟花三月朝紫宸席前賜酒散黃金命錄一
等三功臣其一元戎其一公一時禮遇無比倫馬鞍
峯頭百丈石大書特書詔千春勗公此心西擊胡然
後永奠三韓民

別茂長揚使君萬古

蓬萊之子居蓬萊去歲新從香岳回秋曹小掾上前
席奏語剴切天顏開景先稱為一時秀士元豈但百
里才臨行稽首上書言臣有一策胡可摧臣自西來
慣西事事之得失臣能裁如是而安如是危其言闔
闢何奇哉可憐當世少知己一麾寂寞歸海隈海隈

名勝有羸島蓬萊香岳爭崔嵬小縣如斗少公事庖
刀割雞遊恢恢左手碧海螯右手流霞杯醉後白眼
望青山青山秀色杯中來千礎側理雪勝白大筆鼓
舞生風雷男兒得意無遠近富貴在天誰能媒白洲
居士骨稜稜日穿敗荷趨紅埃既不能發策縱橫淨
四邊又不能放跡遨遊窮八垓街頭長見拍手笑夢
裡彷彿金銀臺歲暮天寒霜雪深此時此別令心哀
湫湫佳期渭北樹遲遲芳信江南梅渭北樹江南梅
別一回老一回僕夫在門驪駒催

挽金生

去年今日日將暮與君並馬柳堤路柳堤東北上舍
家醉卧街頭為誰故今公歸葬故山宙聞說上舍新
在疚可憐離合一年間人間哀樂何相謬昇州刺史
鬢全改泣說平生予無罪

如意嶺

如意嶺不如意山石磴角行路難人脚酸馬蹄穿黃
泥汨汨無時乾君不見東南大道平如砥舍而不由
吾何嘆

喜雨

四月不雨至五月南陽麥田一半枯海邊青稻亦已

白洲集卷之五
二十五
黃鋤者罷鋤泣路隅惆悵銀河不可挽大江百里誰
能注人言州西國祀山山有神靈作雲雨太守齋戒
宿於外為作祭文三百字酒香牲肥燈燭明三更四
點請行事祭罷星河微揜翳倏見東蜺復西吹天明
日出轉杲杲長天瑩瑩青玻璃卯時稍寒午時熱未
時復涼同酉時自念太守不蔽職神不我應民誰賴
忽見霓光西北來風脚先驅後雲靄一點二點初洒
面乍密還疎無定態復更大霈如建瓴水田山畦盡
破塊枯者復蘇黃者青萬民欣欣望西成始知神惠
與 聖化感激豈由吾精誠自此甘霖遍一域太守

坐享豐年樂

戲贈桂陽韓使君 會一

桂陽山明月寺登臨俯見長安城海上秋風萬里來
太守樽中新酒清何似長安城裏屋數椽四壁圖書
終日眠安得翩然過江去與君醉倒禪窓前

別琮山宋使君 淵

君為宋榮子我是李謫仙南陽春酒碧於海白日相
携大道邊扇面題詩能記否魂夢依依六年事今君
又作湖邑吏遠訪東村荷高義村沽味酸不成醉別
語寥寥未堪寫酒無新釀奈君何詩用舊作無不可

白洲集卷之十一
可憐人事不如故容髮相看已覺老江南小邑公事
少官俸雖微官酒好竹林佳處對芳樽驛使來時寄
詩草

別北青李判官曼

白洲居士出隣舍青海行人虛枉駕臨行遠訪闕展
對敬奉華銜再拜謝人生會合固有數仕路非沉誠
可訝憐君此去遠庭闈欲綴離詞淚已瀉北海漫天
鐵嶺高東越遙看白雲下薇垣接武隔年事每憶

行宮記草夜願言努力早還朝溟翮搏風天所借

李
大人方
莅寧越

送元帥出征

中營水銀鎧後營黃金甲馬軍鐵鞭垂步軍勇字帖
前驅清路隊左建司命旗行人塞路看上將西出師
借問上將誰上將男子奇手握尚方劍身騎天馬駒
元勳判京兆少年執金吾獨領御營兵新兼勾管司
夷險不擇事左右無不宜精誠感激貫金石號令闔
關生風雷山河草木威名知壁壘旌旄氣色變一鼓
清北罷刁斗再鼓遼陽歸版籍中興功業振三韓璽
書褒嘉動萬國君不聞九重一札下八路義士忠臣
淚如雨君不思行朝羣臣泥路邊莫使再見丁卯

年

次竹陰韻謝沈稷山暄惠松酒

茆簷曉日影瞳矓病夫獨卧書室中故人遺我酒滿
筒試飲一杯顏已紅想君幽居松竹叢林卧藥圃連
西東興來何必待秋風沽我醕我唯任公且佩漁家
織竹籠褰衣打魚烟草濛

別習靜李丈厚基之任潭陽

先朝名臣清江公文章節義一世雄公之聞孫習靜
翁俊如快鶻橫秋空居家孝友居官忠食報享祉親
於躬大兒少日稱神童有才不遇未為窮務安在西

潭在東晨昏往來一日中小兒昵侍明光宮風稜栢
府 御史駘早晚請暇感 宸聰擁傳光輝 恩渥
隆元方舞綵季方同稱觴迭壽翁面紅父子兄弟樂
融融坐令百里皆春風我病三秋鬢成蓬翁乃再臨
憐羸癯臨行所贈非所蒙情誼三世一家通坐對清
江筆如虹右挹雙松蒼翠籠報翁何以表心衷病中
得句工未工

戲書謝丹丘督郵

青州從事何為者丹丘督郵今過之平原客舍忽相
逢臘雪初放官梅枝翩翩青爵含書來人生一笑是

佳期卷中何勞對聖賢此君風味真吾師銷金帳暖
夜厭厭參橫月斜吾不知

臨行信筆別崔生信叔南還

昔我遊襄陽逢君大堤上愛君眉宇秀喜君襟抱爽
洛寺東樓並枕宿夜半蹴余看日出別來無日不思
君川路迢迢不可越四月烟花爛熳香楓岳之仙招
我雲深處赤玉舄綠玉杖葛巾羽衣風為御正陽前
峯素月升君又翩然隨月至握君手撫君背感君穿
山度水遠來之厚意琴一弄歌一闕勗君青松白雪
之故心濯足萬瀑流露頂松桂林朝發衆香城暮宿

山映樓南從鉢淵北叢石踏遍三山與十洲行並馬
卧聯床十日之游百年樂今我西踰大嶺去君獨南
還海上宅可憐離合劇悠悠好事由來不常有毗盧
九井有遺恨後約丁寧九秋後我病猶堪縱遠眸君
身無事君脚健共挹浮丘發一笑然後竒遊副夙願
不然肩輿過峴首直到君家與君酌左信叔右士重
裸程驩娛呼六博醉來揮筆任橫斜滿君高堂之素
壁

浮萍閣

浮萍閣小蓬萊天光水影同徘徊摩訶衍躡躅杖萬

白洲集卷之十一
二千峯前日回沉沉樹陰靜艷艷荷花開三更獨立
發孤嘯一輪明月青山來

夜卧無眠記前日鳳川橋游作長句一篇請同
遊諸益和之

畫角烏烏秋日昏平原客舍初閉門牆外遙看一火
過月明前橋入語喧張公在前鄭公後座上無非洛
中友良宵好會誰主張妙瑟清歌擁左右老夫早卧
非為寐病廢看書更無事禮數於吾何有哉衰倦甘
為少年棄肩輿急往人不識恰似潜師夜襲敵相携
一笑各盡驩世間百年無此樂人影翩翩月影中恍

然身在水晶宮十里長川百尺橋銀河之鵲月殿虹
三清靈氣滿衣涼夜深興闌歌太康白首倒巾扶醉
歸月沉官樹烟蒼蒼

瀋陽東館漫題

啞啞烏夜啼查查鵲晨噪烏啼鵲噪報何事二月遼
河春尚早病臣生還似有期 鶴駕回轅何日是緘
辭欲付赤心風天上人間九萬里

贈孟畫師

棋一枰香一炷古松流水下子聲竹屋蕭然落花雨
岸烏紗揮白羽扁舟垂釣綠揚洲醉後閑眠芳草塢

白洲集卷之五
二十七
非仙非釋是何人
泉石烟霞作盟主
丹青亦有不可
狀一丘靈臺含萬古

挽朴弟仲漣漪

我年十六入君門
世稱兩家王謝婚
樂公冰清心所
尊諸郎力學行
誼敦長公得我寢
食忘君以少弟日
在旁見君才調不
可當文追秦漢筆
鍾王不但真長
座上賓亦有效音
東山人君纔結髮
我青春勝友尊
師皆在隣士癸以
來人事變十載悲
驩一轉眄終南
故宅人不見汾水
楊湖各漂轉陽春
不遣寒谷暖海
曲仍與羈魅伴我
迺官行一宵款萍
水之會風雨散

北來一鳴萬人魁
大庭大對何雄哉
青雲跬步館蓬
萊為養百里非
君才國破家亡萬
事後復玷朝行備
趨走逮受東節媿
蚊負君因我嫌解
仙綬峒戶僑居
閱寒暑野老村翁
誰識汝歸來數月
一再語每恨東
西不同處汾翁遘
疾成坐症君侍湯
藥淚暗瀉東淮
逝後知音寡獨向
君家手一把君雖
善病年可恃使
仁不壽天豈爾却
願晚節全素履男
兒有志莫浪死
一日訪我多苦辭
長安乞米無已時
身無新絮腹常
飢賣靴向市酬者
誰語罷一啼還一
笑窮達在命非
人召不嫌室人徧
我誚會作一州飽
兒小隔夜人來

聞健在繼傳急報走莫速豈君厭氛樂遊岱視去世
緣同蟬退豈君憂患損天和轉入膏盲無奈何脩短
與奪誰管他好物無堅理則那三品烏臺豈有位萬
選高才不一試弱妻無歸一孤稚寄葬何山新買地
病兄朝夕望君還欲語不忍難為顏死生之別咫尺
間靈車曉發誰來攀憶君憐我老無家為言眷屬如
搏沙有時夜飲至晨鴉醉看君鬢驚半華我今有懷
向誰懇為誰更向城南路江山蕭條歲時暮松烟明
滅水上渡老夫力盡不能及哭望丹旌路邊立春來
一騎奠一榼舊墓新阡草應合

白洲集卷之十一

